

運象篇第三

北元中玄道君李慶賓之女太保玉郎李靈飛之小妹受書為東宮靈照夫人治方丈臺第十三朱館中夫人著紫錦衣帶神虎符握流金鈴有兩侍女侍女年可二十許夫人年可十三四許

聞呼一侍女名隱暉侍女皆青綾衣捧赤玉箱二枚青帶束絡

之題白玉檢曰太上章一檢曰太上文此記織檢上文亦同前九華也

夫人帶青玉色綬如世人帶章囊狀隱章當長五丈許大二四

尺許

臨去授作一紙詩畢乃吟歌

道藏輯要

真誥一

三

荷集一

雲塘帶天搆七氣煥神馮瓊扇啓晨鳴九音絳樞中紫霞與朱門香煙生綠窗四駕舞虎旂青駟擲玄空華蓋隨雲倒落鳳控六龍策景五嶽阿三素眇君房適聞臊穢氣萬濁盪我胸臭物薰精神翳塵互相衝明王皆摧爛何獨盛德躬高揖苦不早坐地自生蟲

八月二十二日夜靈照夫人授作此詩此長史書作靈照夫人而楊君書多其靈

照

臨去吟曰心勿欲亂神勿淫役道易不順災重不逆永喪其真

遂棄我適

復生許家不

我方當復來爾勤之而已

右從北元來八條有長史寫

王子晉父周靈王有子三十八人子晉太子也是為王子喬靈

王第三女名觀香字眾愛是宋姬子於子喬為別生妹受子喬

飛解脫網之道得去入緜外書作維字氏山中後俱與子喬入陸渾

積三十九年觀香道成受書為紫清宮內傳如領東宮中候真

夫人此即中候王夫人也子喬弟兄七人得道五男二女其眉壽是觀香之同

生兄亦得道此似別有眉壽事今不存而掾書中有夢見人云我是王眉壽之小妹疑此或當是相答也

右二條有楊書

駕歛敖八虛徊宴東華房阿母延軒觀朗嘯躡靈風我為有待

道藏輯要

真誥一

三

荷集一

來故乃越滄浪

右英王夫人歌

乘飈遡九天息駕三秀嶺有待徘徊眄無待故當淨滄浪奚足

勞孰若越玄井

右紫微夫人答英歌

寫我金庭館解駕三秀畿夜芝披華鋒謂應作峰字咀嚼充長飢高

唱無道遙冬興有待歌空同酬靈音無待將如何

右桐柏山真人歌

朝遊鬱絕山夕偃高暉堂振轡步靈鋒謂應作峰字無近於滄浪玄

井三仞際我馬無津梁儵歛九萬間八維已相望有待非至無



靈音有所喪

右清靈真人歌

龍旂舞太虛飛輪五岳阿所在皆道造有感興冥歌無待愈有  
待相遇故得和滄浪奚足遼步井不爲多鬱絕尋步間俱會四  
海羅豈若絕明外三劫方一過

右中候夫人歌

縱酒觀羣惠儵忽四落周不覺所以然實非有待遊相遇皆歡  
樂不遇亦不憂縱景玄空中兩會自然疇

右昭靈李夫人歌

駕歛發西華無待有待間或眇五嶽峯或濯天河津釋輪尋虛

道藏輯要

真誥一

舌

荷集一

舟所在皆纏綿芥子忽萬頃中有須彌山小大固無殊遠近同  
一緣彼作有待來我作無待親

右九華安妃歌

無待太无中有待太有際大小同一波遠近齊一會鳴絃玄霄  
顛吟嘯運八氣奚不酣靈液眇日娛九裔有無得玄運二待亦  
相蓋

右太虛南嶽真人歌

偃息東華靜揚軒運八方俯眇邱垤間莫覺五嶽崇靈阜齊淵  
泉大小互相從長短無少多大椿須臾終奚不委天順縱神任  
空同

右方諸青童君歌

控飈扇太虛八景飛  
高濤仰浮紫晨外俯看絕落冥  
玄心空同間上下弗流停  
無待兩際中有待無所營  
體無則能死體有則攝生  
東賓會高唱二待奚足爭

命駕玉錦輪儂轡仰徘徊  
朝遊朱火宮夕宴夜光池  
浮景清霞杪八龍正參差  
我作無待遊有待輒見隨  
高會佳人寢二待互是非  
有無非有定待待各自歸

右南極紫元夫人

歌按此諸歌詩並似初降語而嫌厭真多高唱上清童紫元太虛未嘗有雜降處

恐或遺失耳有待之說並是指右英事非安妃也

騰躍雲景轅浮觀霞上空霄  
駢縱橫儂紫蓋託靈方  
朱煙纏旌

道藏輯要

真誥一

三五

青集一

旄羽帔扇香風電嗥猛獸攫雷吟  
奮玄龍鈞籟昆庭響金笙唱  
神鍾採芝滄浪阿掇華八溟峯  
朱顏日愈新劫往方嬰童養形  
靜東岑七神自相通風塵有憂哀  
隕我白鬢翁長冥遺遐歎恨不早  
逸蹤

九月三曰夕雲林王夫人喻作令示許長史

停駕望舒移迴輪反滄浪未覩若人遊  
偶想安得康良因俟青春以敘中懷忘

右右英吟此再三

龜闕鬱巍巍墟臺絡月珠列坐九靈房  
叩琰吟太无玉簫和我神金醴釋我憂  
宴酣東華內陳鈞千百聲青君呼我起折腰希



林庭羽帔扇翠暉玉佩何鏗零俱指高晨寢相期象中冥

右紫微歌此二篇

超舉步絳霄飛颺北壘庭神華映仙臺圓曜隨風傾啓暉搗丹

元扉景淩月精交袂雲林字浩軫謂應作皓鬚還童嬰蕭蕭寄无宅

是非豈能營陣上自擾競安可語養生

右玄董紫微作

控晨浮紫煙入景觀派流羽童捧瓊漿玉華錢琳腴相期白水

涯揚我菱麩珠滄房煥東華紫造浮絳晨雙德秉道宗作鎮真

伯蕃八臺可眇日北看乃飛元清淨雲中視眇眇躡景遷吐納

洞領秀藏暉隱東山久安人事上日也無虛閑豈若易翁質反

道藏輯要

真誥一

三

菑集一  
川七人

此孩中顏

九月六日夕雲林喻作與許侯

解輪太霞上斂轡造紫邱手把入空烈縱身雲中浮一眇造化

剛再視索高疇道要既已足可以解千憂求真得真友不去復

何求

九月六日夕紫微夫人喻作示許長史并與同學同學謂

晨闕太霞構玉室起霄清領略三奇觀浮景翔絕冥丹空中有

真金映青挺精八風鼓錦被碧樹曜四靈華蓋蔭蘭暉紫轡策

緣駢結信通神交觸類率天誠何事外象感須覩瑤玉瓊

九月九日雲林右英夫人喻作

紫空朗明景玄宮帶絳河濟濟上清房雲臺煥峩峩八輿造朱  
池羽蓋傾霄柯震風迴三辰金鈴散玉華七轡絡九垓晏助不  
必家借問求道子何事坐塵波豈能栖東秀養真收太和

九月九日紫微夫人喻作因許示郗郗猶是方回也

二景秀鬱玄霄映朗八方丹雲浮高晨逍遙任靈風鼓翮乘素  
飈竦眇瓊臺中綠蓋入協晨青輶擲空同右揖東林帝上朝太  
虛皇玉賓剖鳳腦馥飛藥漿雲鈞迴曲寢千音何琅琅錦旌  
召猛獸華幡正低昂香母折腰唱紫煙排棟梁總轡高清闕解  
駕佳人房昔運挺未兆靈化順氣翔心眇玄涯感年隨積椿崇  
形甘垢臭味動靜失滄浪我友實不爾榮辱昨已忘

道藏輯要

真誥一

三

崑集一  
x18

九月十八日夜雲林右英夫人作喻曰吾辭訖此

絳景浮玄晨紫軒乘煙征仰超綠闕內俯眇朱火城東霞啓廣  
暉神光煥七靈翳映汎三燭流任自齊冥風纏空洞宇香音觸  
節生手攜熾謂應作熾字女僊併衿匏瓜庭左徇青羽旗華蓋隨雲  
傾晏寢九度表是非不我營抱真栖太寂金姿愈日嬰豈似愆  
穢中慘慘無聊生

九月二十五日夜雲林右英夫人授作

三轡抗紫軒傾雲東林阿

右英吟此道

右從騰躍來凡十三篇並有楊書又雜有掾寫



遭滯悵賴窮行德不亦甚佳乎不患德之不報所患種福之不  
多耳此一行則似乎福田也萬事云云盡可觸類矣

十二月三日雲林右英夫人告

右一條有楊書又有一本小異

穆惶恐言仁愛之至猥惠新詩雲藻綺絡金聲玉粲誠翰林之  
奇秀華錦之盛肆也義類淵微仰覽無射佩之丹心奉以周旋  
功德淺陋冥報已重福田之喻敢不自勵憑託徽猷情若山海  
動靜啓悟望垂矜錄許穆惶恐言

詣雲林右英夫人机前

此即答遺滯悵書  
也有自起草存

青童大君常吟咏曰欲植滅度根當拔生死栽沉吟墮九泉但

道藏輯要

真誥一

三

此皆佳本

坐惜形骸

太虛真人常吟咏曰觀神載形時亦如車從馬車敗馬奔亡牽  
連一時假衰世莫識此但是惜風火種罪天網上受毒地獄下  
西城真人王君常吟咏曰神爲度形舟薄岸當別去形非神常  
宅神非形常載徘徊生死輪但苦心猶豫

小有真人王君常吟咏曰失道從死津三魂迷生道生生日已  
遠死死日已早悲哉苦痛容根華已顛倒起就零落生焉知反  
枯老

以去月秋分日於瑤臺大會四君各吟此言以和玄鈞廣韶之

絃聲也十月告云去月如似是九月南秋  
分必在八月則去月自爲通乎耳

十月十五日右英夫人說此令疏

右五條有掾書

四旂曜明空朱軒飛靈邱玉蓋蔭七景鼓翻霄上浮九音朗紫  
空玉璫洞太無宴詠三辰宮唱嘯呼我疇不覺椿已來豈知二  
景流佳人雖兼忘而未放百憂長林真可靜巖中多自娛

十月十七日雲林夫人作與許侯

左把玉華蓋飛景躡七元三辰煥紫暉竦眄撫明真變踊期須  
曳四面皆已神靈發無涯際勤思上清文何事生橫涂令爾感  
不專陰烏禁祠烏賀反此應作夫去機不覺年歲分

十月十八日紫微夫人作

道藏輯要

真誥一

亮

背集一

川三

右二篇有楊書

北登玄真闕攜手結高羅香煙散八景玄風鼓絳波仰超琅園  
津俯眇霄陵阿玉簫雲上唱鳳鳴洞九遐乘氣浮太空曷為躡  
山河金節命羽靈徵兵折萬魔齊挹二晨暉千椿方嬰牙喪真  
投競室不解可奈何

仰眇太霞宮金閣曜紫清華房映太素四軒皆朱瓊擲輪空同  
津總轡儻綠軒玉華飛雲蓋西如運錦旌翻然濁塵涯儵忽佳  
人庭宿感應期降所招已在冥乘風奏霄晨其酣丹琳罍公侯  
徒眇眇安知真人靈

右二篇十月二十日授

亦應是右英  
喻長史也



右二篇有楊書

車馬雖重為路人所略推分任運有以招之不必吝也杯子誠小還為童史所偷故疾而惜之今冥鑒即擒蓋所以懼惡而善者別矣今雖嘿然不言小人足知靈驗有訓在其中非直區區若此小小而不能坦也謹白

呈雲林右英夫人

十一月十九日

此所答右英授  
事事今不存

穆惶恐言沈染鄙俗流浪塵昧罪與年長愆隨日積幸遭玄運靈啓其會披散氛霧朗然達觀真靈清秀並垂戒悟猥辱文翰華藻成林金聲玉振規矩有章父子凡微無以堪荷夙興策勵

道藏輯要

真誥一

罕

菊集一  
川三一

不敢怠情顛顛傾注言不自暢穆惶恐言此亦是答右英詩不審的是何詩亦似不存

右二條長史自書本

靈谷秀瀾榮藏身栖巖京被褐均袞龍帶索齊玉鳴形磐幽遼裏擲神太霞庭霄上有陞賢空中有真聲抑我曲晨飛案此綠軒駢下觀八度內俯歎風塵縈解脫遺波浪登此眇眇清擾競三津竭奔馳割爾齡

十二月一日夜南岳夫人作與許長史

飛輪高晨臺控轡玄龍隔手攜紫皇袂儻歛八風驅玉華翼綠幃青翥扇翠裙冠軒煥崔嵬佩玲帶月珠薄入風塵中塞鼻逃

當塗臭腥彫我氣百病令心殂何不飈然起蕭蕭步太虛

十二月一日夜方丈左臺昭靈李夫人作與許玉斧

清晨揖絳霞總氣霄上遊徊軒躡曲波遂覩世人憂辭旨蔚然  
起不散三秀岵何若巡玄鄉撫璫為爾娛君安有有際我願有  
中無

右英作此

駕景遊賢良促轡東圃下

右英吟此道

咀嚼玄句柔音蔚暢曲夾適宣辭喻標朗欽欽之詠有由然也  
玄宗以安我其會矣

道藏輯要

真誥一

聖

荷集一

十二月十四日雲林夫人作與長史

此所答長史之詩詩今不存

右五篇有楊書

該清道難通幽妙達許侯其人也方將曜靈方邱騰躍暉霞身  
飛九天作則羣真師傳金闕撫極種人其德仁以融其教整以  
和可謂天秀標韻為後民之圓匠也斧子乃潛晨密煥秀霄空  
上託心玄宅神栖入領心標寂又歸形太初志割姻親於內外  
寄幽會於隱觀矣雖自思人庇重岫穎翳雲暉故叛父也若父  
愚可也交當同編雲札列名靈簡運會相遇何以陳之耶昔薛  
旅字季和往學真道於鍾山北阿經七試而不過卽長里薛公  
之弟也不過者由淫嫉失位忝鄙內滯石性不迴致敗其試耳



然其人好慈和篤又心愛嘯音鳳響及玄絃之彈是故虛唱凝神徽聲感魂神不遂落由好嘯唱願鳳鳴之故矣長里先生燕代人周武王時人也先生比乞之於太上太上故使生繫謂應作繼

字肇阿之陰運致欲其該微釋滯於染練新暉速升虛之超長

里君之願也若由謂應作猶字愆波不激淫由謂應作愈字出雖百過

試之故亦昔之薛旅即師宗相期拂飾盡性苟能其事我亦罕

勞賢者之舉此復宜詳密告由來宿命之始想有己應作以字悟也

燕氣內果外柔沈德樂景故其人聞北風則心悲觀啓曜則懷

泰思駿騄以慕聘嘉柔順以變蔚彼人之心曷曾不爾乎此則

本鄉之風氣首邱之內感也苟能信之君其諧矣如其雍謂應作雍

道藏輯要

真誥一

望

崑集一

字委秉欲丹絳不暢靈人攜手而空反高友歛袂而迴晏神氣

不眇其宅寂通不鼓其目命矣夫固可悲耶長里之弟本燕代人故此稱其谷氣

以喻長皮之心也

十二月十六日夜右英告

右二篇有楊書

太元真人

雲林右英王夫人

南岳紫虛元君

九華真妃

清靈真人

紫陽真人

桐柏真人

昭靈李夫人

右八人

十二月十七日夜

方諸宮東華上房靈妃歌曲

紫桂植瑤園朱華聲悽悽月宮生藥淵日中有瓊池左拔員靈

曜右掣丹霞暉流金煥絳庭八景絕煙迴綠蓋浮明朗控節命

太微鳳精童華顏琳腴充長肌控晨揖太素乘欸翔玉階吐納

六靈氣玉嬪把巾隨彈璫南雲扇香風鼓錦披叩商百獸舞六

道藏輯要

真誥

聖

甫集一

天攝神威儼欸億萬椿齡紀鬱巍巍小鮮未烹鼎言我巖下悲

按楊君記云東方赤氣中有言曰小鮮未烹鼎言言我巖下悲當必以此事諮啓司命故答稱此詩仍及後篇也

太微玄清左夫人北渟宮中歌曲

鬱藹非真虛太无爲我館玄公豈有懷縈蒙孤所難落鳳控紫

霞矯轡登晨岸寂寂無濠漉暉暉空中觀隱芝秀鳳邱逡巡瑤

林畔龍胎嬰爾形八瓊迴素旦琅華繁玉宮綺葩凌巖粲鵬扇

絕億領撫翮扶霄翰西庭命長歌雲璫乘虛彈八風纏綠宇聚

煙豁然散靈童擲流金太微啓璧案三元起折腰紫皇揮袂讚

朗朗扇景曜睽睽長庚煥超駟竦明双下盼使我愧願哀地仙

輩何爲栖林澗



十二月十七日夜太元真人司命君書出此詩云是青童宮

中內房曲恆吟讚此和神其夜眾真降集唯有此書存餘悉不顯後丁卯年論挺分事亦是十

二月十七日恐偶同耳此前一事不應是卯年也

右三條有楊書

玄玄卽排起注之曰

故玄玄以八風爲關籥天地爲隄防四海爲甕盎九州爲粃糠積之以萬殊蒸之以陰陽其陶鑄也克隆炊累剛柔清濁象類不同呼吸吐合恭伯榮注之曰

九絕獸神禽也在乎羣猛之中猗狡乎激奇之際千年不足極其變萬殊不足適其內日月不足照其眉八澤不足遊其足清

道藏輯要

真誥一

器

舊集一

雲爲卑九垓爲淺八宏爲小四極爲近變動無常恆入之芥子

之內玉晨之玉寶太微之威神矣此二條是釋神虎隱文中語不知何真所告又無日月是

兩手同書

君惶恐言仁德流映高蔭彌綸每貽翰音恩逮縉綬旨諭有成

恆之順宗期則玄霄之會雖欽願榮崇欣想靈誥竊懼熠燿之

近暉不可參二景之遠麗嗚彼之小宿難以厠七元之靈觀尊

卑殊方高下異位俯仰自矢罔知所據凡善誘者勸其切磋忠

愛者憂其怠惰大易所以乾乾仲尼所以發歎於不倦者也自

奉教以來洗心自勵沐浴思新其勸弊也標明得道之妙致其

檢戒也陳宿命之本迹淫忝所以喪基鄙滯所以伐德雖盧醫

之貢針艾扁鵲之獻藥石無以喻也子張存聖教於紳帶西董  
佩韋絃以自矯蓋以外戒內以義規心仰銜清訓謹書之丹懷  
藏之六腑奉以周旋弗敢失墜庶五難解凍於爐門七試飈靜  
於淵谷方將逍遙東山考室龍林靈構蕭蕭邱園沖深庭延雲  
駕之奇友堂列羽服之上真句金錫五芝之寶滄浪施長年之  
珍期實夙夜之乃願信誓不敢誣於神明者也唯少鑒之君惶  
恐言

此長史答右英前七月二十八日喻詩世珍芬馥  
交者并酬前書論薛旅事猶恐是十二月中也

右此一篇長史令乙寫

道藏輯要

真誥一

畧

齋集一

1108